

OFFERYNNAU STATUDOL CYMRU

2004 Rhif 709 (Cy.76)

GOFAL CYMDEITHASOL, CYMRU

**Gorchymyn Cyngor Gofal Cymru (Pennu Gweithwyr
Cymdeithasol o dan Hyfforddiant) (Cofrestru) 2004**

Wedi'u gwneud - - *10 Mawrth 2004*
Yn dod i rym - - *1 Ebrill 2004*

Mae Cynulliad Cenedlaethol Cymru, drwy arfer y pŵer a roddwyd iddo gan adran 56(1)(b) o Ddeddf Safonau Gofal 2000⁽¹⁾ ac ar ôl ymghynghori â Chyngor Gofal Cymru⁽²⁾, drwy hyn yn gwneud y Gorchymyn canlynol:

Enwi, cychwyn a dehongli.

1.—(1) Enw'r gorchymyn hwn yw Gorchymyn Cyngor Gofal Cymru (Pennu Gweithwyr Cymdeithasol o dan Hyfforddiant) (Cofrestru) 2004 a daw i rym ar 1 Ebrill 2004.

(2) Yn y Gorchymyn hwn —

ystyr “y Cyngor” (“*the Council*”) yw Cyngor Gofal Cymru;

ystyr “y Ddeddf” (“*the Act*”) yw Deddf Safonau Gofal 2000;

ystyr “gweithiwr cymdeithasol o dan hyfforddiant” (“*student social worker*”) yw person sy'n cymryd rhan mewn cwrs a gymeradwywyd gan y Cyngor o dan adran 63 o'r Ddeddf ar gyfer personau sydd am fod yn weithwyr cymdeithasol.

Pennu gweithwyr cymdeithasol o dan hyfforddiant

2. Pennir gweithwyr cymdeithasol o dan hyfforddiant drwy hyn at ddibenion adran 56(1)(b) o'r Ddeddf (gofyniad i'r Cyngor gadw cofrestr o weithwyr gofal cymdeithasol penodedig).

(1) 2000 p.14. Rhoddir y pŵer i'r Gweinidog priodol a ddiffinnir yn adran 121(1) o'r Ddeddf fel “the Assembly” mewn perthynas â Chymru. *Gweler* adran 5(b) o'r Ddeddf am y diffiniad o “the Assembly”.

(2) *Gweler* adran 56(4) o'r Ddeddf am y gofyniad i ymghynghori.

Statws This is the original version (as it was originally made). Dim ond ar
ei ffurf wreiddiol y mae'r eitem hon o ddeddfwriaeth ar gael ar hyn o bryd.

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth
Cymru 1998⁽³⁾

10 Mawrth 2004

John Marek
Dirprwy Lywydd y Cynulliad Cenedlaethol

⁽³⁾ 1998 p. 38.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

EXPLANATORY NOTE

(Nid yw'r nodyn hwn yn rhan o'r Gorchymyn)

Mae'r Gorchymyn hwn yn pennu gweithwyr cymdeithasol o dan hyfforddiant at ddibenion adran 56 o Ddeddf Safonau Gofal 2000. Mae Adran 56 yn ei gwneud yn ofynnol i Gyngor Gofal Cymru gadw cofrestr o weithwyr cymdeithasol a gweithwyr gofal cymdeithasol o unrhyw ddisgrifiad arall a bennir gan Gynulliad Cenedlaethol Cymru trwy orchymyn.